

ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ
«ԼԻԱՐԺԵՔ ԿՅԱՆՔ» ՆԵՐԱՌԱԿԱՆ ՀԱՍԱՐԱԿՈՒԹՅԱՆ ԽԹԱՆՄԱՆ
ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆԸ ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ
ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ
«ԴՏՊ-1141-11018/23 ԼԿԼ»

Քաղ. Երևան

«1» փետրվարի 2023 թ.

Հայաստանի Հանրապետության աշխատանքի և սոցիալական հարցերի նախարարությունը (այսուհետ՝ նախարարություն), ի դեմս գլխավոր քարտուղար Սամվել Մուրադյանի (այսուհետ՝ պատվիրատու), որը գործում է նախարարության կանոնադրության հիման վրա, մի կողմից, և «Լիարժեք կյանք» նեոարական հասարակության խթանման ՀԿ-ը, ի դեմս նախագահ Սուրեն Մաղաքյանի (այսուհետ՝ կատարող), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության կառավարության 2022 թվականի դեկտեմբերի 29-ի N 2111-Ն որոշումը (այսուհետ՝ որոշում), «1141.«Ընտանիքներին՝ կանանց և երեխաներին աջակցություն» ծրագրի «11018. Երեխաների խնամքի ցերեկային ծառայությունների տրամադրում» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան և գինը

1.1. Սույն պայմանագրով նախարարությունը պարտավորվում է ծրագրի իրականացման նպատակով պայմանագրի 5.1.-ին կետով սահմանված կարգով կազմակերպությանը հատկացնել որոշմամբ նախատեսված՝ գումարից մինչև 21, 560, 000 (քսանմեկ միլիոն հինգ հարյուր վաթսու հազար) ՀՀ դրամ, իսկ կազմակերպությունը պարտավորվում է ծրագիրն իրականացնել որոշմամբ և պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են պայմանագրի N 1 հավելվածում: Ծրագիրն իրականացվում է Լոռու մարզում՝ կյանքի դժվարին իրավիճակում հայտնված ամսական 150 երեխայի համար (ամսական):

1.3. Պայմանագրի գինը կարող է փոփոխվել երկկողմ համաձայնությամբ, եթե հաշվետու ժամանակահատվածում (եռամսյակում) պայմանագրում նշված արդյունքային բոլոր ցուցանիշների կատարողականի միջինացված ամփոփ գնահատականը չի կատարվել նվազագույնը 80 %-ով կամ չի ապահովվել շահառուների պլանային թվի նվազագույնը 75 %-ը՝ պայմանագրի 9.7.-րդ կետի համաձայն նոր համաձայնագիր կնքելու միջոցով:

2. Կողմերի իրավունքները և պարտավորությունները

2.1. Նախարարությունն իրավունք ունի՝

2.1.1. ցանկացած ժամանակ (այդ թվում՝ Հայաստանի Հանրապետության ֆինանսների նախարարության միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել պայմանագրի 6.2.-րդ կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. պայմանագիրն Հայաստանի Հանրապետության օրենսդրությամբ կամ պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. իրականացված միջոցառման արդյունքը նախարարության կողմից ընդունվելու դեպքում պահանջելու վճարել իրեն հասանելիք գումարը.

2.2.2. նախարարության կողմից գումարները չվճարվելու դեպքում միակողմանի լուծելու պայմանագիրը և պահանջելու հատուցել իրեն պատճառված վնասները.

2.2.3. նախարարության համաձայնությունը ստանալու դեպքում՝ կատարել Հայաստանի Հանրապետության պետական բյուջեից տրամադրվող ֆինանսական միջոցների հոդվածային վերաբաշխում՝ բայց ոչ ավելի, քան պայմանագրի N 6 հավելվածով սահմանված ֆինանսական նախահաշվի ծախսային յուրաքանչյուր հոդվածի 10%-ի չափով:

2.3. Նախարարությունը պարտավոր է՝

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2.-րդ կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և պայմանագրի պահանջներին, ապա դրանք ընդունվում են:

2.4. Կազմակերպությունը պարտավոր է՝

2.4.1. իրականացնել ծրագրի շրջանակներում նախարարության կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) պայմանագրով սահմանված նպատակներով ու չափաքանակներով.

2.4.3. կատարել նախարարության կողմից բացահայտված թերությունների վերացման նպատակով տրված ցուցումները.

2.4.4. պայմանագրով սահմանված կարգով մինչև հաշվետու ամսվան հաջորդող ամսվա 10-ը, իսկ դեկտեմբեր ամսվա համար՝ մինչև դեկտեմբերի 20-ը, նախարարությանը ներկայացնել հանձնման-ընդունման ակտը՝ համաձայն պայմանագրի N 5 հավելվածի, և հաշվետվությունները՝ համաձայն պայմանագրի N 3 հավելվածի, ինչպես նաև միջոցառումների իրականացման մասին եռամսյակային հաշվետվություններ՝ մինչև հաշվետու ժամանակահատվածի հաջորդող ամսվա 10-ը, իսկ չորրորդ եռամսյակի համար՝ մինչև դեկտեմբերի 20-ը, և տարեկան հաշվետվություն՝ ծրագրի ավարտից հետո՝ 10 աշխատանքային օրվա ընթացքում, եռամսյակային և տարեկան հաշվետվությունները՝ համաձայն N 2 հավելվածի և N 7 հավելվածում նշված ձևաչափի.

2.4.5. պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու նախարարության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.



2.4.6. Նախարարության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ նախարարության կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.7. պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել Հայաստանի Հանրապետության պետական բյուջե՝ մինչև տվյալ բյուջետային տարվա նախավերջին աշխատանքային օրը:

2.4.8. պայմանագրի 4.1-ին կետով սահմանված հանձնման-ընդունման ակտի հետ միաժամանակ Նախարարություն՝ ներկայացնել կատարված փաստացի ծախսերի վերաբերյալ Հայաստանի Հանրապետության ֆինանսների և էկոնոմիկայի նախարարի 2007 թվականի փետրվարի 9-ի N 5-Ն հրամանով սահմանված տնտեսագիտական դասակարգման սինթետիկ հաշվառմամբ հաշվետվությունը՝ համաձայն պայմանագրի N 3 հավելվածի: «Հաշվետվությանը կից անհրաժեշտ է ներկայացնել Հայաստանի Հանրապետության պետական բյուջեից փոխհատուցման ենթակա գումարների մասով կատարված ծախսերը հիմնավորող փաստաթղթեր, ինչպես օրինակ՝ հաշիվ ապրանքագրեր, վճարման հանձնարարականներ, աշխատաժամանակի հաշվարկի թերթիկ, աշխատավարձի հաշվարկի կամ վճարման տեղեկագրեր, ճանապարհածախսերի փոխհատուցման թերթիկ և այլն»:

2.4.9. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» օրենքով սահմանված կարգով՝ պետության կարիքների համար կատարվող գնումների կանոններին համապատասխան:

3. Մոնիթորինգը (ըստ պահանջի)

3.1. Նախարարությունն ըստ պահանջի ծրագրի իրականացման նախնական, ընթացիկ և վերջնական արդյունքների համապատասխանության նպատակով իրականացնում է մոնիթորինգ:

3.2. Մոնիթորինգն իրականացվում է Նախարարության և (կամ) նրա կողմից լիազորված կազմակերպության կամ անձի կողմից բացառապես նախօրոք մշակված հարցաթերթի միջոցով և (կամ) ըստ անհրաժեշտության՝ առանց հարցաթերթի:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ և առաջարկություններ:

3.4. Նախարարությունը ցանկացած ժամանակ կարող է կատարվող գործողությունների շրջանակներում իրականացնել մոնիթորինգ՝ ուսումնասիրելով գործողություններին առնչվող ցանկացած փաստաթղթեր և նյութեր, ինչպես նաև կապ հաստատելով ծրագրի շահառուների հետ՝ նրանց շրջանում հարցում և եզրակացություն տալու նպատակով՝ առանց կազմակերպությանը տեղեկացնելու կամ ներգրավելու այս գործընթացում:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

3.6. Եռամսյակային հաշվետվությունների ներկայացված և համապատասխան հիմնավորող փաստաթղթերի հիման վրա բոլոր արդյունքային ցուցանիշների կատարողականը գնահատվում է համապատասխան վարչության կողմից՝ ըստ անհրաժեշտության ամփոփ վերլուծությունների և մոնիթորինգի վարչության հետ համատեղ:

4. Պայմանագրի արդյունքի հանձնման և ընդունման կարգը

4.1. Պայմանագրի արդյունքն ընդունվում է նախարարության և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատրման համար նախատեսված օրը ներառյալ կազմակերպությունը էլեկտրոնային համակարգի միջոցով նախարարությանն է տրամադրում իր կողմից ստորագրված՝ հանձնման-ընդունման ակտը (N 5 հավելված) և հաշվետվությունը: Ընդ որում կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2. Եթե իրականացված միջոցառումը համապատասխանում է պայմանագրի պայմաններին, նախարարությունը պայմանագրի 4.1-ին կետում նշված փաստաթղթերը ստանալու օրվան հաջորդող

աշխատանքային օրվանից հաշված 10 աշխատանքային օրվա ընթացքում ստորագրում և էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3. Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա նախարարությունը չի ստորագրում հանձնման-ընդունման ակտը և պայմանագրի 4.2.-րդ կետում նշված ժամկետում էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում նախարարությունը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4. Եթե պայմանագրի 4.2.-րդ կետով սահմանված ժամկետում նախարարությունը չի ընդունում պայմանագրի 4.1.-ին կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2.-րդ կետով սահմանված վերջնաժամկետին հաջորդող աշխատանքային օրը նախարարությունը էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. Վճարման կարգը և ժամկետները

5.1. Կազմակերպությանը վճարումները կատարվում են հանձնման-ընդունման ակտի հիման վրա՝ պայմանագրի վճարման ժամանակացույցով (N 4 հավելված) նախատեսված ամիսներին, ըստ պայմանագրի շրջանակներում փաստացի իրականացված միջոցառումների կատարման արդյունքի:

Եթե արձանագրությունը կազմվում է տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև տվյալ տարվա դեկտեմբերի 30-ը, եթե ծրագրով սահմանված չեն վճարումների կատարման այլ կարգ և (կամ) ժամկետներ:

6. Կողմերի պատասխանատվությունը

6.1. Կազմակերպությունը պատասխանատվություն է կրում պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Պայմանագրի N 1 հավելվածում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1.-ին կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն նախարարության կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3. Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1.-ին կետում նախատեսված գումարի 0.05 (զրո ամբողջ հինգ հարյուրերորդական) տոկոսի չափով:

6.4. Պայմանագրի 6.2.-րդ և 6.3.-րդ կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

6.5. Նախարարության կողմից պայմանագրի 4.1.-ին կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում Հայաստանի Հանրապետության օրենսդրությամբ սահմանված կարգով:

6.7. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:



7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը: Պայմանագրի գործողությունը տարածվում է 2023 թվականի հունվարի 1-ից ծագած հարաբերությունների վրա:

Պայմանագրով նախատեսված կողմերի իրավունքների և պարտականությունների կատարման պայման է պայմանագիրը ֆինանսների նախարարության կողմից հաշվառված լինելու հանգամանքը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. Հայաստանի Հանրապետության օրենսդրությամբ սահմանված կարգով հաստատված դրամաշնորհային ծրագիրը (դրամաշնորհային ծրագիրը՝ պետք է բխի միջոցառումների նկարագրի պահանջներից և մեթոդական ցուցումներից) հանդիսանում է պայմանագրի անբաժանելի մասը (N 7 հավելված):

9.2. այն դեպքում, երբ օրենսդրությամբ նախատեսված կարգով օրենսդրության պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո նախարարությունը միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ նախարարությունը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենսդրությամբ սահմանված կարգով փոխհատուցել իր մեղքով նախարարության կրած վնասներն այն ծավալով, որի մասով պայմանագիրը լուծվել է:

9.3. Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.4. Կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը նախարարությունը հրապարակում է իր պաշտոնական՝ <https://www.mlsa.am/?cat=142> կայքում՝ նշելով հրապարակման ամսաթիվը:

9.5. Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրը միակողմանի լուծելու մասին ծանուցումը սույն կետում նշված կայքում հրապարակվելու օրը նախարարությունն այն ուղարկվում է նաև կազմակերպության էլեկտրոնային փոստին:

9.6. Պայմանագրով ստանձնած պարտավորությունը դադարում է կատարման անհնարինությամբ, եթե դա առաջացել է այնպիսի հանգամանքից, որի համար կողմերից որևէ մեկը պատասխանատու չէ՝

պայմանագրի կատարման անհնարինության մասին ողջամիտ ժամկետում գրավոր ծանուցելով մյուս կողմին: Այդ դեպքում կողմերն իրավունք չունեն միմյանցից պահանջելու պարտավորության կատարում: Սույն կետում նշված պայմանագրի կատարման անհնարինության մասին ողջամիտ ժամկետում մյուս կողմին չծանուցելու դեպքում՝ չծանուցող Կողմը պարտավորվում է մյուս կողմին վճարել տուգանք՝ պայմանագրի 1.1.-ին կետում նախատեսված գնի 1 %-ի չափով:

9.7. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.8. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.9. Պայմանագրով նախատեսված պարտավորությունների չկատարման հետ կապված, ինչպես նաև պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները

Պ Ա Տ Վ Ի Ր Ա Տ ՈՒ

ՀՀ աշխատանքի և սոցիալական հարցերի նախարարություն

Ք. Երևան, կառավարական տուն 3

ՀՀ ՖՆ գործառնական վարչություն

Հ/Հ 900011030732

ՀՎՀՀ 01506515

Գլխավոր քարտուղար՝ Ս. Մուրադյան

(ստորագրություն)

Կ.Տ.

Կ Ա Տ Ա Ր Ո Ղ

«Լիարժեք կյանք» ներառական հասարակության խթանման հասարակական կազմակերպություն

Ք.Երևան, Նորաշեն թաղամաս, 36/121

«Ամերիաբանկ» ՓԲԸ

Հ/Հ 1570018829580700

ՀՎՀՀ՝ 06405487

Նախագահ Սորեն Սաղաթյան

(անուն ազգանուն, ստորագրություն)

Կ.Տ.

ՄԻՋՈՑԱՌՈՒՄՆԵՐ

Համառոտագիր

Ծրագրի նկարագրություն

Կյանքի դժվարին իրավիճակում հայտնված մինչև 18 տարեկան երեխաների ընտանիքում ապրելու և նրանց սոցիալական ներառումն ապահովելու նպատակով զարգացնել երեխաների ֆիզիկական, մտավոր կարողություններն ու կյանքի հիմնական հմտությունները, երեխաներին և նրանց ընտանիքներին տրամադրել սոցիալական, հոգեբանական և իրավաբանական խորհրդատվություն և աջակցություն՝ խթանելու երեխաների սոցիալական, կրթական, առողջապահական և ընտանիքում մեծանալու հիմնարար իրավունքների իրացումը, կանխելու նրանց մուտքը հաստատություններ և կամ նրանց սոցիալական մեկուսացումը:

Հիմնախնդրի և կարիքի հիմնավորում

Չնայած մարդկային զարգացման հարցում աշխարհով մեկ արձանագրված ընդհանուր բարելավմանը՝ հասարակությունը շարունակում է բախվել լուրջ մարտահրավերների:

Ամբողջ աշխարհում կյանքի դժվարին իրավիճակում հայտնված երեխաները, այդ թվում հաշմանդամություն ունեցող երեխաները հասարակության ամենախոցելի և մեկուսացված խմբերից են: Ամեն օր՝ առերեսվելով խտրականության հետ, որն արտահայտվում է թե՛ բացասական վերաբերմունքով, թե՛ պատշաճ քաղաքականության և օրենսդրության բացակայությամբ, նրանք չեն կարողանում իրացնել իրենց իրավունքները առողջապահության, կրթության և համայնքային այլ ծառայությունների ոլորտներում:

Չնայած կառավարության և քաղաքացիական հասարակության շնորհիվ Հայաստանը նշանակալի առաջընթաց է արձանագրել այս ոլորտում, սակայն անհամաչափությունն ու անհավասարությունը դեռևս գերիշխում են: Հայաստանում, կյանքի դժվարին իրավիճակներում հայտնված երեխաները դեռևս մեկուսացված են իրենց, հասակակիցներից և համայնքից, քանի որ նախակրթարան կամ դպրոց չեն գնում, վերականգնողական ծառայություններից օգտվելու հնարավորություն չունեն և չեն մասնակցում համայնքային միջոցառումներին: Այս պատկերը հատկապես ակնառու է մարզերում, իսկ ավելի խոցելի՝ սահմանամերձ քաղաքային և գյուղական համայնքներում: Ընտանիքի աջակցության և համայնքային վերականգնողական ծառայությունների բացակայությունը կամ ոչ բավարար լինելը, ինչպես նաև հասարակության վերաբերմունքը, ստիպում է որոշ ընտանիքների իրենց երեխաներին մանկատուն հանձնել: Ավելի խոցելի են առանց ծնողական խնամքի մնացած երեխաները, որոնց համար խնամքի կազմակերպման համայնքապետ և ընտանիքապետ ծառայությունները բավարար չեն, իսկ համայնքների մեծ մասում՝ դրանք բացակայում են:

Քանի որ Հայաստանը ձեռնամուխ է եղել երեխայի խնամքի հաստատությունների վերակազմավորման գործընթացի իրականացմանը, սա պահանջում է այլընտրանքային համայնքապետ խնամքի մոդելների ստեղծում և կայացում, որը կնպաստի երեխաների իրավունքների պաշտպանությանը, մասնավորապես ընտանիքում դաստիարակվելուն, ծնողների խնամքին ապավինելուն և հասարակությունում որպես լիիրավ անդամ ընդգրկվելուն, այսինքն՝ կարևոր է համալիր միջամտությունը: Սա հատկապես կարևոր է խոցելի երեխաների, ներառյալ հաշմանդամություն ունեցող երեխաների համար: Եվ որ ամենակարևորն է, գործընթացը պահանջում է բազմակողմանի համագործակցային աշխատանք, համայնքների, միջազգային կառույցների, քաղաքացիական հասարակությունների հետ: Հաշվի առնելով այն հանգամանքը, որ ցերեկային խնամքի հաստատությունների հիմնումն ու ընդլայնումը պետության կողմից համարվում է որպես հիմնական գերակայություններից մեկը, ապա առաջարկվող ծրագիրը մեծապես համահունչ է պետության կողմից որդեգրած գերակայություններին:

Ծրագրի նպատակը, խնդիրներն ու ակնկալվող արդյունքները

Ծրագրի նպատակ՝

Նպաստել կյանքի դժվարին իրավիճակում հայտնված երեխաների սոցիալ-հոգեբանական, կյանքի հիմնական հմտությունների զարգացմանը, երեխաներին և նրանց ընտանիքներին տրամադրել սոցիալ-վերականգնողական, հոգեբանական և իրավաբանական խորհրդատվություն և աջակցություն՝ խթանելու երեխաների սոցիալ-վերականգնողական, ընտանիքում մեծանալու հիմնարար իրավունքների իրացումը, կանխելու նրանց մուտքը հաստատություններ և կամ նրանց սոցիալական մեկուսացումը, խթանելով կյանքի դժվարին իրավիճակում հայտնված երեխայի ինքնօգնության, ինքնորոշման ու ծագած հիմնախնդիրներն ինքնուրույն լուծելու ունակությունների զարգացմանը:

Ծրագրի խնդիրները՝

Ապահովել ցերեկային կենտրոնում ներառման սկզբունքով ծառայությունների իրականացումը.

Ձևավորել և զարգացնել շահառուների ինքնասպասարկման, կենցաղավարման, հաղորդակցման հմտություններ.,

Իրականացնել սոցիալական աշխատանք ընտանիքի, համայնքի, շուրջօրյա խնամք տրամադրող կազմակերպության հետ՝ կյանքի դժվարին իրավիճակում հայտնված և հաշմանդամություն ունեցող երեխաների ընտանիքում ապրելու, զարգանալու, կրթություն ստանալու և հասակակիցների շրջանում լիարժեք ներառվելու նպատակով:

Խթանել շահառուների, այդ թվում՝ անկախ և ինքնուրույն կյանք վարելու կարողությունները, համայնքային կյանքին նրանց լիարժեք մասնակցությունը, փոխել հասարակության վերաբերմունքն իրենց խնդիրների լուծման նկատմամբ:

Շահառուների և ծնողների հետ դասընթացների կազմակերպում՝ երեխայի իրավունքների, ծնողավարության հմտությունների, ֆինանսական միջոցների տնօրինման և այլնի վերաբերյալ:

Իրավաբանական խորհրդատվական և օգնական աջակցություն նշված ընտանիքներին առողջապահական, սոցիալական և կրթական հարցերի շուրջ: Գործելու է նաև թեժ գիծ 08000 13 11 հեռախոսահամարով:

Ապահովել արտակենտրոն ծառայություններ ընտանիքներում և նախակրթական և կրթական և շուրջօրյա խնամքի հաստատություններում հաստատությունների հետ համագործակցությամբ:

Ապահովել շահառուներին ցերեկային կենտրոնում փաստացի գտնվելու ժամանակահատվածում անհրաժեշտ սննդով:

Շահառուներին՝ ծառայության որակի անանուն գնահատելու հնարավորության տրամադրում, առաջարկությունների ստացում և արդյունքների

Ակնկալվող արդյունքներ

Երեխայի պաշտպանության հարցերով զբաղվող կառույցների հետ համագործակցության արդյունքում կյանքի դժվարին իրավիճակում հայտնված երեխաների և ընտանիքների հայտնաբերվել և ներառվել են ծրագրում:

Կյանքի դժվարին իրավիճակում հայտնված երեխաների և ընտանիքների սոցիալական կարիքների բազմակողմանի գնահատում:

Յուրաքանչյուր երեխայի համար մշակվել է սոցիալական կարիքի վրա հիմնված ծառայությունների համալիր փաթեթ ուղղված վերջիններիս ֆիզիկական, սոցիալական, և մտավոր կարողությունների զարգացմանը:

Անհատական սոցիալական ծրագրերով սահմանված և ամբողջությամբ իրականացված միջոցառումների արդյունքում առկա է կյանքի դժվարին իրավիճակում հայտնված երեխաների և նրանց ընտանիքների վիճակի մեղմում (առնվազն 60% շահառուների դեպքում) և դժվարին իրավիճակի ամբողջական հաղթահարում (առնվազն 40% շահառուների դեպքում):

Յերեկային խնամքի ծառայություններում ընդգրկված հաշմանդամություն ունեցող երեխաներ /առնվազն 150 շահառու/:

Կյանքի դժվարին իրավիճակում հայտնված երեխաներին և նրանց ընտանիքներին տրամադրված սոցիալական, հոգեբանական և իրավաբանական խորհրդատվություն և աջակցություն/թեժ գծի մասին տեղեկատվությունը հրապարակված է առնվազն 3 հարթակում/:

Կազմակերպության կողմից՝ ծառայություններ ստացած կյանքի դժվարին իրավիճակում հայտնված երեխաների և նրանց ընտանիքների առնվազն 90%-ի բավարարվածություն մատուցված ծառայություններից:

Յուրաքանչյուր ամիս ծառայություններ ստացած կյանքի դժվարին իրավիճակում հայտնված թվով 150 երեխաներ և նրանց ընտանիքներ:

Շահառուների առնվազն 90% ծնողների ընդգրկվածությամբ՝ կարիքահեն դասընթացներ /ծնողավարման հմտություններ, ֆինանսական միջոցների տնօրինում և այլն/:

Ապահովել կյանքի դժվարին իրավիճակում հայտնված երեխաների ամառային հանգիստը ներառական ճամբարում

Ծրագրի տեսանելիությունը, և ծրագրի արդյունքների տարածումը ապահովելու նպատակով ծրագիրը կլուսաբանվի տարեկան առնվազն երկու մարզային հեռուստաընկերությամբ, կտպագրվի առնվազն երկու հոդված հաջողված պատմությունների վերաբերյալ, ինչպես նաև Տաշիրի և Ստեփանավանի քաղաքապետարանի և գործընկեր ՀԿ-ների օնլայն էջերով՝ կայք, բլոգ, սոցիալական ցանցեր, կլուսաբանվի ծրագրի մասին տեղեկատվության տարածումը, ծրագրի մասին պատմող գրառումները:

Գործողություններ

Ծրագիրը ենթադրում է հետևյալ գործողությունների հաջորդականությունը՝

Կյանքի դժվարին իրավիճակում հայտնված երեխաների ընդունելության կազմակերպում, սոցիալական կարիքների առաջնային գնահատում և գնահատման հիման վրա անհատական սոցիալական ծրագրերի կազմում:

Սոցիալ հոգեբանական, զարգացողական, վերականգնողական անհատական և խմբային ծրագրերի կազմում:

Համապատասխան մասնագիտական ծառայությունների տրամադրում /լոգոպեդի, հոգեբանի, հատուկ մանկավարժի, սոցիալական աշխատողի և արտթերապիստի անհատական և խմբային ծառայություններ/:

Արտակենտրոն ծառայությունների տրամադրում՝ կյանքի դժվարին իրավիճակում հայտնված և հաշմանդամություն ունեցող երեխաների և նրանց ընտանիքների համար:

Շահառուների և ծնողների հետ դասընթացների կազմակերպում՝ երեխայի իրավունքների, ծնողավարության հմտությունների, ֆինանսական միջոցների տնօրինման վերաբերյալ:

Իրավաբանական խորհրդատվական աջակցություն ընտանիքներին առողջապահական, սոցիալական և կրթական հարցերի շուրջ:

Շահառուների 7-օրյա ամառային հանգիստ «Լիարժեք կյանք ներառական ճամբարում»-ում:

Շահառուների շրջանում ծառայության որակի անանուն գնահատելու հնարավորության տրամադրում, առաջարկությունների ստացում և արդյունքների վերծրություն:

Անվանում Ծրագրի գործողություններ, փուլեր	Համառոտ բովանդակությունը, Ծրագրի գործողություններ նկարագրություն և մեթոդաբանություն	Ակնկալվող արդյունքները	Գնահատման չափանիշները և հիմնավորող փաստաթղթեր	Ժամանակացույց
1. Շահառուների ընդունելության կազմակերպում բազմամասնագիտական թիմի կողմից, սոցիալական կարիքների առաջնային գնահատում, գնահատման հիման վրա անհատական սոցիալական ծրագրերի կազմում:	1.1 Շահառուի/ընտանիքի կարիքները գնահատելու նպատակով՝ իրականացնել կարիքների առաջնային գնահատում շահառուի և նրա ընտանիքի հետ 1.2 Ըստ անհրաժեշտության իրականացնել տուն-այցեր	1.1 Թվով 150 շահառուի առաջնային կարիքների սահմանում մշակվել է թվով 150 շահառուի կարիքի վրա հիմնած անհատական սոցիալական ծրագիր:	Կարիքների առաջնային գնահատման հարցաթերթ Ստորագրված համաձայնագրեր Տուն-այցի արձանագրություն Գնահատման արդյունքների անհատական ամփոփաթեթ Միասնական փաստաթղթավորման համակարգի աուկայություն Գնահատման ժամանակ կատարված լուսանկարներ	01.01.2023-31.01.2023 Ըստ նոր դիմած երեխաների գործողությունը կարող է լինել ընթացիկ
2. Երեխաների սոցիալ-հոգեբանական, վարքային, կարողությունների և կյանքի հիմնական հմտությունների զարգացում	2. Գնահատման արդյունքների հիման վրա յուրաքանչյուր շահառուի կարիքին համապատասխան անհատական միջամտության պլանի մշակում: Ըստ անհրաժեշտության և միջամտության պլանի շահառուների համար կկազմակերպվեն հետևյալ ծառայությունները՝ Արտակարգ իրավիճակների արձագանքում Թատերական խմբակ Մասնագիտական կողմնորոշման և արդյունավետ հաղորդակցման խմբակ Ֆիզիկական դաստիարակություն	2.1.Մշակվել է թվով 150 շահառուի կարիքի վրա հիմնած վերականգնողական և զարգացողական ծրագիր: 2.2.Առնվազն 120 շահառուի տրամադրվում է սույն ծառայությունների նկարագրում նշված չափորոշիչներին համապատասխան ծառայությունները կենտրոններ հաճախման եղանակով, իսկ 30 շահառուի կենտրոնների	Հատուկ մանկավարժի անհատական և խմբային միջամտության պլան Հոգեբանի անհատական և խմբային միջամտության պլան Սոցիալական աջխառողի անհատական միջամտության պլան Լոգոպեդի	Ընթացիկ

		տարածքից դուրս	անհատական միջամտության պլան Արթերապիստի անհատական և խմբային միջամտության պլան Դասընթացների տարեկան ծրագրային մոդուլ	
3. Իրավաբանական խորհրդատնդեկատվական աջակցություն ընտանիքներին առողջապահական, սոցիալական և կրթական հարցերի շուրջ:	3.1 Թեժ գծի շրջանակներում կտրամադրվի սոցիալ-իրավական խորհրդատվություն, առողջապահական խնդիրներին առընչվող խորհրդատվություն, աշխատանքային իրավունքներին խնդիրներին առընչվող իրավախորհրդատվություն, կրթական/այդ թվում հեռավար կրթության/ և այլն առընչվող խնդիրների վերաբերյալ աջակցություն և խորհրդատվություն:	5.1 Թեժ գծի շրջանակում խորհրդատվություն ստացած անձանց գրանցամատյան 5.2 Իրազեկման համալիր աշխատանքների շնորհիվ կբարձրանա թիրախային խմբերի մոտ աշխատանքային, քաղաքացիական, կրթական, առողջապահական իրավունքների վերաբերյալ իրազեկվածության մակարդակը	- Թեժ գիծ 08000 13 11 - Ստացված զանգերի գրանցամատյան	ընթացիկ
4. Ապահովել շահառուների 7 օրյա ամառային հանգիստ «Լիարժեք կյանք ամառային ներառական ճամբար» -ում:	4.1 Շահառուները հնարավորություն կունենան մասնակցել հետևյալ դասընթացներին՝ արտակարգ իրավիճակներում վարքագծի առաջին օգնության տրամադրման հմտություններին, կմասնակցեն մարզումների, արտթերապիայի, նկարչության,	6.1 Շուրջ 20 շահառու իր զարգացմանն ուղղված ամառային հանգիստը կանցկացնի «Լիարժեք կյանք ամառային ներառական ճամբար» -ում	- Ճամբարի օրակարգ - Մասնակիցների գրանցման թերթիկ - Լուսանկարներ - Պայմանագիր - Միջոցառման	3-րդ եռամսյակ

	երաժշտության, փայտի գեղարվեստական փորագրության, կավագործության դասընթացներին: 4.2.4 արիքի վրա հիմնված կտրամադրվի նաև հոգեբանի, լոգոպեդի, էրգոթերապիստի, արտթերապևտի մասնագիտական ծառայություններ:		արձանագրու թյուններ	
--	---	--	------------------------	--

Ծրագրի գործողություններին առնչվող այլ տեղեկատվություն և մանրամասներ

Ցերեկային կենտրոնները շահառուներին սպասարկում է շաբաթը 5 օր՝ ժամը՝ 10.00 - 18.00:

Յուրաքանչյուր անհատական պարապմունք տևում է միջինում 30 րոպե, իսկ խմբային պարապմունքը միջինում 60 րոպե տևողությամբ:

Յուրաքանչյուր շահառու ցերեկային կենտրոն կհաճախի շաբաթական 1-3 օր կախված կարիքից և անձի նախասիրություններից:

Անհատական և խմբային պարապմունքները կիրականացվեն երկուշաբթից- ուրբաթ օրերին, նախապես կազմած այցելությունների գրաֆիկներին համապատասխան:

Սպորտային միջոցառումների կազմակերպում, շահառուների մասնակցության ապահովում տարբեր սպորտային խմբակներում

Տարեկան նվազագույնը 4 հանրային միջոցառում՝ ուղղված շահառուների սոցիալական ներառմանը և հանրության իրազեկման բարձրացմանը:

Կենտրոնում կազմակերպվում են նաև տարաբնույթ միջոցառումներ. էքսկուրսիաներ՝ պատմական ու տեսարժան վայրեր, ճամբարներ, ֆիլմերի դիտում-քննարկումներ, շահառուների մասնակցությամբ իրականացվում է կենտրոնի տարածքի բարեկարգում, նշվում են նաև տոներն ու շահառուների ծննդյան տարեդարձները:

ԱՇԽԱՏԱՆՔԱՅԻՆ ՊԼԱՆ

Կազմակերպություն

Ծրագիր

Ժամանակահատված

«Լիարժեք կյանք» ՀԿ

Երեխաների խնամքի ցերեկային ծառայությունների տրամադրում

01.01.2023- 31.12.2023

[illegible]

Ծրագրի շահառուները ու շահագրգիռ կողմերը

Ծրագրի ուղղակի շահառուներն են՝ ՀՀ Լոռու մարզի նախկին Տաշիր քաղաքային, Բլագոդարնոյե, Դաշտադեմ, Լեռնահովիտ, Կաթնառատ, Մեղովկա, Մեղվահովիտ, Նովոսելցովո, Սարատովկա գյուղական համայնքներում երեխաներ բնակվող կյանքի դժվարին իրավիճակում հայտնված թվով 150 երեխաներ և դեռահասներ, որոնց թվում՝

Կյանքի դժվարին իրավիճակում հայտնված անձ, /պայմանավորված հետևյալ հանգամանքներով/


- Հաշմանդամություն
 - Հիվանդության առկայություն
 - Առանց ծնողական խնամքի մնալու
 - Տարիքի հետ կապված ինքնասպասարկման ունակությունների կորստի
 - Ընտանիքում կոնֆլիկտների, դաժան վերաբերմունքի, բռնության, մարդկանց շահագործման (թրաֆիքինգի) ենթարկվելու
 - Դժբախտ պատահարի կամ արտակարգ իրավիճակներում հայտնվելու
 - Ազատագրված վայրերում գտնվելու կամ այդ վայրերից վերադառնալու հանգամանքներից որևէ մեկով կամ դրանց համակցմամբ
 - Մարդու կենսագործունեությանը խանգարող օբյեկտիվ իրավիճակով պայմանավորված
- Սոցիալական ներառման սկզբունքն ապահովելու համար, կենտրոնում ծառայություններ կարող են ստանալ նաև հաշմանդամություն կամ որևէ խնդիր չունեցող մինչև 18 տարեկան երեխաները և նրանց ընտանիքների անդամները:

Պ Ա Տ Վ Ի Ր Ա Տ ՈՒ

ՀՀ աշխատանքի և սոցիալական հարցերի
նախարարություն
Գլխավոր քարտուղար՝ Ս. Մուրադյան

(ստորագրություն)

Կ.Տ.



Կ Ա Տ Ա Ր Ո Ղ

«Լիարժեք կյանք» ներառական հասարակության
խթանման հասարակական կազմակերպություն
Նախագահ՝ Սուրեն Մաղադյան

(անուն ազգանուն, ստորագրություն)

Կ. Տ.



ԴՐԱՄԱՇՆՈՐՀԱՅԻՆ ՀԱՇՎԵՏՎՈՒԹՅՈՒՆ N__

1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1. Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

2.2. Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեղիա պրոդուկտներ և այլն)

2.3. Խնդրում ենք ներկայացնել հաշվետու ժամանակահատվածում քաղած դասերը և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

2.4. Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

2.5. Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Պ Ա Տ Վ Ի Ր Ա Տ ՈՒ
ՀՀ աշխատանքի և սոցիալական հարցերի
նախարարություն
Գլխավոր քարտուղար՝ Ս. Մուրադյան


(ստորագրություն) Վ.Տ.

Կ Ա Տ Ա Ր Ո Ղ
«Լիարժեք կյանք» ներառական
հասարակության խթանման հասարակական
կազմակերպություն

Նախագահ՝ Սուրեն Մաղարյան

(ստորագրություն) Վ.Տ.

Հավելված N 3
2023 թվականի փետրվարի _____-ին կնքված
«ԴՏՊ-1141-11018/23 ԼԿԼ» պայմանագրի

ՀԱՇՎԵՑ-ՎՈՒԹՅՈՒՆ

Հայաստանի Հանրապետության 2023 թվականի պետական բյուջեի _____ ամսում փոփոխուն ծախսերի գծով փոխհատուցման ենթակա և հաստատուն ծախսերի գծով փաստացի կատարված ծախսերի վերաբերյալ

Ծախսային հոդվածներ		Հաստատված նախահաշվի գումարը		Հաշվետու ժամանակահատվածում			Տարեկան ամփոփում			
Տնտեսագիտական դասակարգման սինթետիկ հաշիվների անվանումը	ծածկ ազիդը	Պետական բյուջեից	Այլ միջոցներից նախատեսված	Նախատեսված գումարը	Պետական բյուջեից փոխհատուցման ենթակա գումարը	Այլ միջոցներից կատարված դրամական ծախսեր	Նախատեսված գումարը	Պետական բյուջեից փոխհատուցման ենթակա գումարը	Այլ միջոցներից կատարված դրամական ծախսեր	Այլ աղբյուրների անվանումները
1	3	4	5	6	7	8	9	10	11	12
ԸՆԴՀԱՄԵՆԸ ԾԱՌԱՅԵՐ՝	x	0.0	0.0	0.0	0.0	0.0	0.0	0.0	0.0	
Աշխատողների աշխատավարձեր և հավելվածներ	4100									
Էներգետիկ ծառայություններ	4212									
Կոմունալ ծառայություններ	4213									
Կապի ծառայություններ	4214									
Ապահովագրական ծախսեր	4215									
Գույքի սարքավորումների վարձակալություն	4216									

Հանձնեց՝
տնօրեն՝

ՊԱՏՎԻՐԱՏՈՒ

Կազմակերպություն՝

ԿԱՏԱՐՈՂ

ՀՀ աշխատանքի և սոցիալական հարցերի նախարարություն
Գլխավոր քարտուղար՝ Ս. Մուրադյան

«Լիարժեք կյանք» ներառական հասարակության խթանման հասարակական կազմակերպություն

Նախագահ՝ Արմեն Մարաքչյան

(ստորագրություն)՝

(ստորագրություն)՝

ՎՃԱՐՄԱՆ ԺԱՄԱՆԱԿԱՑՈՒՅՑ*

հազար ՀՀ դրամ

Միջոցառման

Միջոցառման															
հրավերի վ նախատ եսված չափաբա ժնի համարը	Մրցույթի պլանով նախատ եսված (CPV) կոդը	անվանու մը	Կատարման դիմաց վճարումները նախատեսվում է իրականացնել 2023 թ-ին՝ ըստ ամիսների, այդ թվում**												
			հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբե ր	հոկտեմբեր	նոյեմբեր	դեկտեմբեր	Ընդամե նը
Լոտ 22	99999999 9/740	«Երեխա ների խնամքի ցերեկայ ին ծառայու թյուններ ի տրամադ րում»	1,796.7	3,593.3	5,390.0	7,186.7	8,983.3	10,780.0	12,576.7	14,373,3	16,170.0	17,966.7	19.763.3	21,560.0	21560.0


* Վճարման ենթակա գումարները ներկայացվում են առողական կարգով: Եթե պայմանագիրը կնքվում է մինչև ֆինանսական միջոցների նախատեսումը, ապա սույն ժամանակացույցը լրացվում և կնքվում է ֆինանսական միջոցներ նախատեսվելու դեպքում կողմերի միջև կնքվող համաձայնագրի հետ միաժամանակ՝ որպես դրա անբաժանելի մաս:

** հրավերում գումարները նշվում են տոկոսով, իսկ պայմանագիրը կնքելիս տոկոսի փոխարեն նշվում է կոնկրետ գումարի չափ

Պ Ա Տ Վ Ի Ր Ա Տ ՈՒ

ՀՀ աշխատանքի և սոցիալական հարցերի նախարարություն

Գլխավոր քարտուղար՝ Ս. Մուրադյան



(ստորագրություն)

Կ.Տ



Կ Ա Տ Ա Ր Ո Ղ

«Լիարժեք կյանք» ներառական հասարակության խթանման հասարակական կազմակերպություն Նախագահ՝ Սուրեն Մաղաքյան



(ստորագրություն)

Կ.Տ.



Պայմանագրի կողմ

գտնվելու վայրը _____
հհ _____
հվհհ _____

Պետական մարմին

գտնվելու վայրը _____
հհ _____
հվհհ _____

ԱԿՏ N
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ
ՀԱՆՁՆՄԱՆ-ԸՆԴՈՒՆՄԱՆ

«__» _____ 2023 թ

Պետության կողմից դրամաշնորհի ձևով «Լիարժեք կյանք» ներառական հասարակության խթանման հասարակական կազմակերպությանը տրամադրվող ֆինանսական աջակցության գումարների օգտագործման մասին պայմանագիր

Պայմանագրի կնքման ամսաթիվը՝ «__» փետրվարի, 2023 թ.

Պայմանագրի համարը՝ ԴՏՊ-1141-11018/23 ԼԿԼ

Կողմերը՝ հիմք ընդունելով պայմանագրի կատարման վերաբերյալ ներկայացված ---- հաշվետվությունը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմն իրականացրել է հետևյալ միջոցառումները՝

N	Իրականացված միջոցառման							
	անվանումը	գործառույթի համառոտ նկարագիրը	արդյունքը		կատարման ժամկետը		Վճարման ենթակա գումարը /հազար դրամ/	Վճարման ժամկետը /ըստ պայմանագրի/
			ըստ պայմանագրի	փաստացի	ըստ պայմանագրի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և հաշվետվությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

ստորագրություն

ազգանուն, անուն

Կ.Տ.

Ծառայությունն ընդունեց

ստորագրություն

ազգանուն, անուն

Կ.Տ.

Պ Ա Տ Վ Ի Ր Ա Տ ՈՒ

ՀՀ աշխատանքի և սոցիալական հարցերի
նախարարություն
Գլխավոր քարտուղար՝ Ս. Մուրադյան



Կ.Տ.

Կ Ա Տ Ա Ր Ո Ղ

«Լիարժեք կյանք» ներառական հասարակության
խթանման հասարակական
կազմակերպություն
Նախագահ՝ Սուրեն Մադաթյան

(ստորագրություն)

Կ.Տ.

ՖԻՆԱՆՍԱԿԱՆ ՆԱԽԱՀԱՇԻՎ

Դրամաշնորհառու
Ծրագրի անուն
Ծրագրի տևողություն

«ԼԻԱՐԺԵՔ ԿՅԱՆՔ» ՀԿ
«Երեխաների խնամքի ցերեկային ծառայությունների տրամադրում»
01. 01. 2023թ - 31. 12. 2023թ

Հ/Հ	Բյուջեի տողի նկարագրական	Տոկոս	Միավոր	Միավորի քանակ	Միավորի արժեք (ՀՀ դրամ)	Պահանջվող գումար (ՀՀ դրամ)	Տոկոս ընդհանուրի մեջ
Աշխատավարձ							
Ա							
1.1	Կազմակերպության նախագահ/ծրագրի ղեկավար	9	ամիս	12	100000	1200000	6
1.2	Հաշվապահ	7	Ամիս	12	80000	960000	4
1.3	Ծրագրի համակարգող՝ գործառնությունների ղեկավար	7	ամիս	12	80000	960000	4
1.4	Սոցիալական աշխատող	10	ամիս	12	120000	1440000	7
1.5	Արթ-թերապիստ	9	ամիս	12	100000	1200000	6
1.6	Հոգեբան	9	ամիս	12	100000	1200000	6
1.7	Հատուկ մանկավարժ	8	ամիս	12	90000	1080000	5
1.8	Լոգոպեդ	8	ամիս	12	90000	1080000	5
1.9	Թատերական խմբակի խմբավար	7	ամիս	12	80000	960000	4
1.10	Առաջին օգնության և աղետների դիսկերի նվազեցման վերապատրաստման խմբակի խմբավար	7	ամիս	12	80000	960000	4
1.11	Մասնագիտական կողմնորոշման և արդյունավետ հաղորդակցության խմբակի խմբավար	7	ամիս	12	80000	960000	4
1.12	Ֆիզիկական ակտիվության խմբակի խմբավար	7	ամիս	12	80000	960000	4
1.13	Իրավախորհրդատվության և մոնիթորինգի մասնագետ	2	ամիս	12	20000	240000	1
1.14	Վարորդ/ասիստենտ	2	ամիս	12	25000	300000	1
1.15	Հավաքարար	3	ամիս	12	35000	420000	2
Ընդամենը Ա						13920000	65
Բ	Ծրագրային ծախսեր						
2.1	Տրանսպորտային նյութեր	3	ամիս	12	15000	180000	1
2.2	Սնունդ/150շահառու*3օր*4շաբաթ*12ամիս	96	շահառու	21600	250	5400000	25
2.3	Համակարգչային ծառայություններ	1	ամիս	12	4000	48000	0
Ընդամենը Բ						5628000	26
Գ	Գործուղում						
Ընդամենը Գ						0	0
Դ	Վարչական ծախսեր						
4.1	Էներգետիկ ծառայություններ	21	ամիս	12	35000	420000	2
4.2	Կապի ծառայություններ	4	ամիս	12	6000	72000	0
4.3	Մեքենաների և սարքավորումների ընթացիկ նորոգում և պահպանում	6	ամիս	12	10000	120000	1
4.4	Գրասենյակային նյութեր	24	ամիս	12	40000	480000	2
4.5	Կենցաղային նյութեր	6	ամիս	12	10000	120000	1
4.6	Առդիտորական ծառայություններ	40	անգամ	1	800000	800000	4

Ընդամենը Դ	2012000	9
Ընդամենը	21560000	100

Պ Ա Տ Վ Ի Ր Ա Տ ՈՒ

ՀՀ աշխատանքի և սոցիալական հարցերի
նախարարություն
Գլխավոր քարտուղար՝ Ս. Մուրադյան



(ստորագրություն)

Կ.Տ.

Կ Ա Տ Ա Ր Ո Ղ

«Լիարժեք կյանք» ներառական հասարակության
խթանման հասարակական
կազմակերպություն

Նախագահ՝ Սուրեն Մադաթյան

(ստորագրություն)

Կ.Տ.

ԴՐԱՄԱՇՆՈՐՀԱՅԻՆ ԾՐԱԳԻՐ
«ԵՐԵՒԱՆԵՐԻ ԽՆԱՄՔԻ ՑԵՐԵԿԱՅԻՆ ԾԱՌԱՅՈՒԹՅՈՒՆՆԵՐԻ ՏՐԱՄԱԴՐՈՒՄ» ՄԻՋՈՑԱՌՄԱՆ

Հ/Հ	Դրամաշնորհի միջոցների հաշվին իրականացվող միջոցառման						
	անվանումը	նկարագիրը	կազմակերպության կողմից կատարման ենթակա գործողությունները	ակնկալվող արդյունքները և դրանց գնահատման չափանիշները	միջոցառման իրականացման վերջնաժամկետը	հաշվետվության ներկայացման կարգն ու ժամկետը	պահանջվող գումարը (դրամ)
1.	«Երեխաների խնամքի ցերեկային ծառայությունների տրամադրում»	Միջոցառումը նպատակ է հետապնդում կյանքի դժվարին իրավիճակում հայտնված մինչև 18 տարեկան երեխաների ընտանիքում ապրելու և նրանց սոցիալական ներառումն ապահովելու, երեխայի (ընտանիքի) կյանքի դժվարին իրավիճակը կանխարգելելու կամ հաղթահարելու նպատակով գնահատված սոցիալական կարիքների հիման վրա համարժեք ծառայությունների տրամադրում, ինչպես նաև նպաստել երեխաների սոցիալ-հոգեբանական, կյանքի հիմնական հմտությունների զարգացմանը, երեխաներին	- Երեխաներին՝ ցերեկային խնամքի կենտրոնում կամ արտակենտրոն (ելնելով գնահատված կարիքից, երեխայի՝ շուրջօրյա խնամքի հաստատությունում խնամք ստանալու հանգամանքից) ծառայությունները տրամադրվում են հետևյալ ուղղություններով՝ - երեխաների սոցիալ-հոգեբանական կարողությունների և կյանքի հիմնական հմտությունների զարգացում. - մասնագիտական կողմնորոշում - արտաթերապևտիկ (ծառայությունը նպաստում է երեխայի հուզական	1. Կյանքի դժվարին իրավիճակում հայտնված երեխաների գնահատված կարիքներ: 2. Անհատական սոցիալական ծրագրերով սահմանված և ամբողջությամբ իրականացված միջոցառումներ: 3. Կազմակերպության կողմից՝ ծառայություններ ստացած կյանքի դժվարին իրավիճակում հայտնված երեխաների և նրանց ընտանիքների առնվազն 90%-ի բավարարվածություն մատուցված ծառայություններից: 4. Յուրաքանչյուր ամիս ծառայություններ ստացած կյանքի դժվարին իրավիճակում հայտնված երեխաներ և նրանց ընտանիքներ՝ նվազագույնը տվյալ լոտում նշված շահառուների թվով: 5. Արտակենտրոն ծառայություններ ստացած կյանքի դժվարին իրավիճակում հայտնված երեխաների և	31.12.2023	Էլեկտրոնային (info@mlsa.am) Էլեկտրոնային հասցեին ուղարկելու միջոցով) քովանդակային հաշվետվությունների ներկայացման ժամկետը՝ յուրաքանչյուր եռամսյակը մեկ անգամ	21,560,000 (ըստմեկ միլիոն հինգ հարյուր վաթսու հազար)

	և նրանց ընտանիքներին տրամադրել սոցիալ-վերականգնողական, հոգեբանական և իրավաբանական խորհրդատվություն և աջակցություն՝ խթանելու երեխաների ընտանիքում մեծանալու հիմնարար իրավունքների իրացումը, կանխելու նրանց մուտքը հաստատություններ և սոցիալական մեկուսացումը, ապահովելու ընտանիքի հետ վերամիավորումը՝ նպաստելով կյանքի դժվարին իրավիճակում հայտնված երեխայի ինքնօգնության, ինքնորոշման ու ծագած հիմնախնդիրներն ինքնուրույն լուծելու ունակությունների զարգացմանը:	կայունությանը, հասկանիցների հետ շփմանը, ինքնուրույնության, շարժումների (մանր և խոշոր մոտորիկայի) զարգացմանը, վեր է հանում ուժեղ և թույլ կողմերը և այլն): անձի զարգացում (քաղաքացիական կրթություն, մեղիագրագիտություն), սոցիալական աշխատանք ընտանիքի հետ՝ շահագրգիռ կողմերի ներգրավմամբ՝ կյանքի դժվարին իրավիճակում հայտնված երեխաների իրավունքների՝ այդ թվում ընտանիքում ապրելու իրավունքի իրացման համար նպաստավոր պայմանների ստեղծման նպատակով: սոցիալական աշխատանք երեխային շուրջօրյա խնամք տրամադրող կազմակերպության հետ առողջապահական, սոցիալական և կրթական հարցերի շուրջ իրավաբանական խորհրդատվական և ուղղորդման ծառայություններ (ծառայությունների	նրանց ընտանիքների թիվ): 6. Երեխաների կրթական իրավունքի լիարժեք իրացման համար ստեղծված պայմաններ (արդյունքը չի ենթադրում դասապատրաստման իրականացում, այլ կրթությունից դուրս մնացած երեխաների՝ կրթական համակարգում ընգրկվածության ապահովում): 7. Համայնքային մշակութային կյանքին ԿԴԻՀ երեխաների ընգրկվածության ապահովում: 8. Ծահառուների առնվազն 90% ծնողների ընգրկվածությամբ՝ կարիքահեն դասընթացներ /ծնողավարման հմտություններ, ֆինանսական միջոցների տնօրինում և այլն/: 9. Ցերեկային խնամքի ծառայություններում ընդգրկված հաշմանդամություն ունեցող երեխաներ: 10. Ծառայություններ Ըից օգտվող վարքային խնդիրներ ունեցող երեխաներ, 11. Ծառայություններում ընդգրկված վարքային խնդիրներ ունեցող երեխաների և նրանց ընտանիքների համար ներդրված առանձին բաղադրիչ, 12. Անձնական օգնականի աջակցությունից օգտվող երեխաներ, 13. Տրամադրված ծառայությունների արդյունքում կյանքի դժվարին իրավիճակում հայտնված երեխաների և նրանց ընտանիքների վիճակի մեղմում (առնվազն 60% շահառուների դեպքում) և դժվարին իրավիճակի ամբողջական իարթահարում (առնվազն 40% շահառուների դեպքում): 14. Ծառայությունում ընդգրկված կյանքի		
--	--	--	---	--	--

			մատուցման գործում ընգրկվում է նաև անձնական օգնականը):	դժվարին իրավիճակում հայտնված երեխաների անհատական սոցիալական ծրագրեր:			
			ցերեկային կենտրոն հաճախող երեխաներին սննդային փաթեթի տրամադրում	15. Ծառայության արդյունքում ընտանիքների հետ վերամիավորված երեխաների թիվ			
			երեխաների և ծնողների հետ դասընթացների կազմակերպում՝ երեխայի իրավունքների, ծնողավարության հմտությունների, ֆինանսական միջոցների տնօրինման և այլնի վերաբերյալ՝ Շահառուներին՝ ծառայության որակի անանուն գնահատելու հնարավորության տրամադրում, առաջարկությունների ստացում և արդյունքների ներառում եռամսյակային հաշվետվություններում:	16. Ծառայություններ ստացած կյանքի դժվարին իրավիճակում հայտնված երեխաներ, որոնց ծնողները (կամ միակ ծնողը կամ օրինական այլ ներկայացուցիչը) դիմել են երեխային հաստատություն տեղավորելու համար և այդ երեխաների ընտանիքները.			
				17. Ծառայություններ ստացած երեխաներ (ներառյալ նրանց ընտանիքները), ովքեր հաստատությունից վերամիավորվել են ընտանիքների հետ և անհատական սոցիալական ծրագրի մոնիթորինգի արդյունքների համաձայն կարիք ունեն ստանալու սոցիալ-հոգեբանական, սոցիալ-վերականգնողական ծառայություններ			
				18. Ներկայացված հաշվետվություններ, հիմնավորող փաստաթղթեր և տեղեկատվական համակարգում իրականացված մուտքագրումներ:			

Ծանոթություն

Ծրագրի առաջարկում ներկայացնել կարիքների գնահատման արդյունքում շահառուների ընտրության սկզբունքները: Ցանկալի է ամրագրել այնպիսի մեխանիզմ, որպեսզի իրականացվի առավել մեծ թվով երեխաների կարիքների գնահատում: Բոլոր գնահատման արդյունքները հարկ է, որ պահպանվեն կազմակերպությունում: Գնահատման գործընթացը, շահառուների ընտրությունը և ծառայությունների տրամադրումը պետք է կազմակերպվել առաջնորդվելով Հայաստանի Հանրապետության կառավարության 2014 թվականի հուլիսի 17-ի N 743-Ն որոշմամբ:

Յուրաքանչյուր երեխայի կարիքի գնահատում պետք է իրականացվի նախարարության կողմից ներկայացված ձևաչափի համաձայն, Շահառուների ընդգրկումն իրականացվում է ծնողների կամ օրինական ներկայացուցիչների հետ կնքված պայմանագրի հիման վրա:

Շահառուների և/կամ նրանց ներկայացուցիչների շրջանում կազմակերպությունը պետք է յուրաքանչյուր եռամսյակ իրականացնի ծառայությունների անանուն գնահատում. ամփոփ արդյունքները պետք է տրամադրվեն նախարարությանը՝ որպես եռամսյակային հաշվետվության մաս:

Նկարագրական հաշվետվություն ներկայացնելիս հարկ է առաջնորդվել սահմանված ձևաչափով և հաշվետվություններում ամբողջական անդրադարձ կատարել իրականացված աշխատանքներին:

Շահառուների մասին տեղեկատվությունը (ներառյալ անհատական սոցիալական ծրագրերը) հարկ է մուտքագրել տեղեկատվական համակարգ:

Երեխան կարող է ընդգրկվել արտակենտրոն ցերեկային ծառայության մեջ, եթե կենտրոն այցելելու հետ կան դժվարություններ, եթե մասնագետների գնահատմամբ դա բխում է երեխայի շահից և այն փուլում, երբ երեխան դեռևս խնամք է ստանում շուրջօրյա խնամքի հաստատությունում: Բոլոր դեպքերում կազմակերպությունը ներդնում է ջանքեր երեխայի կենտրոն հաճախելու գործընթացն ապահովելու նպատակով՝ այդպսով կանխելով սոցիալական մեկուսացումը:

Կազմակերպության կողմից տրամադրված ծառայության արդյունքների գնահատման գործում կարևորագույն ցուցիչ է հանդիսանալու ինչպես սոցիալական ծրագրում նշված նպատակադրումներին իրականացումը, այնպես էլ ընտանիքի կայունության-ինքնաբավության ցուցանիշը, միջոցառման շրջանակներում շուրջօրյա խնամքի հաստատություններից դուրսբերված երեխաների թիվը:

Ծրագրի գնահատումը

Նշված բոլոր արդյունքային ցուցանիշների կատարողականը գնահատվում է Պայմանագրի N2 և N3 հավելվածների համաձայն հաստատված եռամսյակային և ֆինանսական հաշվետվությունների, նախարարության կողմից իրականացված մշտադիտարկման արդյունքների վերլուծության հիման վրա, ինչպես նաև ՏՀ-ում լրացված տեղեկատվության վերլուծության արդյունքների հաշվառմամբ:

Նշված ցուցանիշների համադրման արդյունքում հնարավոր կլինի գնահատել ծրագրի արդյունավետությունը, ինչպես նաև տրամադրել առաջարկություններ կազմակերպության որակական ցուցանիշների կատարողական արդյունքների հետագա բարելավման համար: Կազմակերպության իրականացված ծրագիրը գնահատվում է բավարար, եթե վերը նշված արդյունքային բոլոր ցուցանիշները, ըստ ներկայացված եռամսյակային հաշվետվության, կատարվել են նվազագույնը 75%-ով:

ՊԱՏՎԻՐԱՏՈՒ

ՀՀ աշխատանքի և սոցիալական հարցերի նախարարություն
Գլխավոր քարտուղար՝ Ա. Մուրադյան

(ստորագրություն) Կ.Տ.



ԿԱՏԱՐՈՂ

«Լիարժեք կյանք» ներառական հասարակության խթանման
հասարակական կազմակերպություն

Նախագահ՝ Սուրեն Մաղաքյան

(ստորագրություն) Կ.Տ.